


# FA GO BUIWA KA PHETOGO MO KGODISONG YA DIJALO (GREEN REVOLUTION) MO AFORIKA GO TEWANG?



**F**a go buiwa ka Phetogo mo Kgodisong ya Dijalo go tewa go dirwa ga mefuta e e farologaneng ya dipeo tse di ungwang ka bontsi, go gape go bidiwang 'mefutafuta e e tokafaditsweng' kgotsa 'mefutafuta e e tlhomamisitsweng'. Dipeo tseno tsa mefuta e e farologaneng di dirwa ka boikaelelo jo bo kgethegileng jwa go tthagisa dikungo tse dintsi heketara nngwe le nngwe, e le karolo ya dilo tsa thekenoloji tsa go dira menontsha ya maitirelo, dibolayaditshenekegi le dilo tse dingwe tsa dikhemikale tse di tsenngwang mo mmung, go thusa ka matlole, go kgona go e romela kwa mebarakeng, jalo le jalo.

Babueledi ba thulaganyo eno ya Phetogo mo Kgodisong ya Dijalo ba bolela gore tsela e e dirang

dilo ka yone e thusa go dira gore temothuo e nne e tswelile pele, le go dira gore re nne re na le dijo le dikotla. Ba dumela gore balemi ba tla reka menontsha eno (ba ka nna ba bo ba thusiwa ka matlole mo ditlheng tsa ntlha di le mmalwa go simolola thulaganyo eno), mme seno se tla ba kgontsha go nna le thobo e kgolwanyane mme e rekisiwe go dira morokotso o o bonalang. Mme seno se tla dira gore go nne le lotseno lo lo lekaneng go reka dijo tse ba di tlhokang go fitlha mo setlheng se se latelang le go reka menontsha e mengwe go dira dijo tse dingwe.

Mme boammaaruri ke gore ga e dire jalo, mme ke palo e potlana fela ya balemi e e tla solegelwang molemo ke thulaganyo eno.